



Vista magnifica al Gemsstock

Il Lutersee è ina bella destinaziun per viandants ed in tip secret per famiglias sportivas.

2



In stan da tir regional per Surses

La vischnanca da Surses vul sanar ed amplifitgar il stan da tir a Rona sco stan da tir regional.

9

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

Scienziats san buca tut

■ (anr/abc) Ier suentermezgi ei il congress internaziunal davart ils «Artechels da Glion» ius a fin. Ils davos treis gis ha la dieta interdisciplinara mus-sau che la historia ei aunc gitg buca completa. Diesch referats han ils participants dil congress giu caschun da tedlar. La sala dalla Casa Cumin a Glion ei stada da gliendisgis tochen ier mesjamna in liug da discussiun. Historiograf, giurists e teologs ein s'entupai cun glied d'autras spartas dalla scienza ed era cun laics buca studegiai. Da mintga referat han mintgamai rodund 50 persunas priu part. Ensemen

han els tedlau, discutau e brattau opiniuns ed experientschas. Igl iniziand dil congress, Jan-Andrea Bernhard, ha saviu trer ina bilanza ordvart positiva da quell'occurrnza ch'el ha organisau culla grappa da lavur refo500 dalla vischnanca llanz/Glion. L'Universitad da Turitg ed igl Institut per la perscrutaziun dalla cultura grischuna han gidau a purtar il congress. Per Cordula Seger, la nova menadra digl institut, eis ei stau l'emprema occurrnza publica. L'anr ha discurriu cun ella.

> PAGINA 3

Our da Samignun ed aint dad Uina

■ (anr/fa) Daspö l'on 2005 vain realisada la cuorsa Gore Tex Transalpine Run chi passa in set etappas tras las Alps tudais-chas, austriacas, svizras perrivar illas talianas. Eir quist on fa la cuorsa darcheu fermativa illa destinaziun turistica Engiadina Scuol Samignun Val Müstair. In marcurdi sun rivats ils 300 teams a duos persunas in Samignun. Hoz cuorrena da qua fin a Scuol ed in vender-

di cuntinueschan las 600 partecipants e partecipants dal Transalpine Run la cuorsa, da Scuol vers Sur En, lura aint da la Val d'Uina, tras la chavorgia dal Quar, sper la Chamonna Sesvenna a Schlinig, a Gluorn ed a Prad. In sonda es l'ultima etappa chi maina fin a Sulden am Ortler. La cuorsa ha üna lunghezza totala da 267 kilometers.

> PAGINA 7

Daco ha il parc fatg naufragi?

Retscherca representativa davart il na al Parc Adula tier la populaziun dallas 17 vischnancas

DA HANS HUONDER / ANR

■ Il november 2016 han otg dallas 17 vischnancas detg na al project dil Parc Adula. Ussa duei quella decisium vegnir intercoretga empau pli detagliadamein. Quels dis han las casadas ellas vischnancas dil perimeter dil Parc Adula obteniu posta digl Institut per geografia dall'Universitad Turitg. Sin incarica dils cantuns Grischun e Tessin sco era digl Uffeci federal per ambient vegn la populaziun interrogada davart quei na al parc. La retscherca fa il Center da cumpetenzza per management public dall'Universitad Berna. Ella cumpiglia 28 damondas e sto vegnir rispundida d'ina persuna per tenercasa. La finamira dalla retscherca ei da perscrutar ils bapens, giavischs e quitaus dalla populaziun locala en connex cun la decisium davart il Parc Adula. Tenor Fritz Sager dil center da cumpetenzza ein 7000 formulars vegni reparti. El spera sin ina participaziun da rodund 30 pertschien. Entochen la fin digl onn vegnan ils resultats evaluai. Quels vegnan allura mess a disposiziun als cantuns che han dau l'incarica



Medel ei ina dallas otg vischnancas che han detg na al Parc Adula.

FOTO H. HUONDER

da far la retscherca. Els han allura la cumpetenzza d'orientar davart quels. «Ella retscherca va ei per la damonda daco ch'ins ha detg gie, respectivamein na al project. En quei connex vegn buc evaluau

tgei ch'ei vegniu fatg falliu tiel project. Igl ei aschidadir ina retscherca scientifica e buc ina per l'applicaziun. Ins sa cumparegliar la retscherca cun talas che vegnan per exempel fatgas suenter las vo-

taziuns federalas», di Sager. Parallelmein sper la retscherca fa igl Institut per geografia dall'Universitad Turitg era intervistas qualitativas cun persunas ord il perimeter dil parc.

Ustria da Crap S. Gion vegn renovada

Novaziuns a la staziun sura da la pendiculara da Crap S. Gion

■ (rtr) Il bajetg marcant en il territori da skis da Fleim Laax Falera, intgins discurren d'ina nav spaziala ch'è atterrada sin il Crap S. Gion, vegn renovà complettament sur ils proxims onns. Sco emprim vegn il daders dal bajetg fatg nov. Il bajetg radund da la staziun sura da la pendiculara che maina da Laax sin il Crap S. Gion è per il moment in plazzal. Sco emprim pass d'ina sanaziun totala vegnan il restaurant Crap S. Gion e differents sulers renovads e survegnan ina nova cumparsa.

Kino e tratgas veganas

La sala dal restaurant da self-service duai d'entantar pli clera ed averta. En l'auzada sura vegn installà in pitschen kino e plazzas da lavur che pon vegnir affittadas per sedutas u seminaris. Era la cuschi- na vegn fatga da nov e porscha d'event da la proxima stagiun d'enviern ina bar da sucs e tratgas veganas. Tratgas tradiziunalas vegni a dar vinavant, ellas vegnan dentant preschentadas sin moda e maniera speziala, sco il directur operativ da l'Arena Alva Flavio Battaini declera. Il restaurant

duai restar insatge per giuven e vegl, ed er ils pretschs da las spaisas na duain betg midar.

Tualettas en in kiosk ed in automat da bavrondas

Sper il restaurant Crap S. Gion survegnan era ils sulers e las tua-

lettas ina cumparsa speziala. Ils differents locals vegnan inscenads sco kiosk (tualetta da dunnas), sco automat da bavrondas (tualettas d'umens), sco ina biblioteca u era sco ina stizun da musica cun tschients plattas da vinil. Tenor Battaini è l'intent da porscher in-

satge spezial als giasts e far gia la visita da quel bajetg ina regurdientscha nunemblidavla. Las lavurs da far quellas midadas duain ir a fin il proxim atun uschia che la «nova» staziun sin il Crap S. Gion po vegnir averta gia la proxima stagiun d'enviern.



L'interess dals mezs da massa pel giuven mansteran Riet Bulfoni es grond.

MAD

Riet Bulfoni cuort avant ils WorldSkills 2017

■ (anr/afi) Bainbod es qua il mumaint cha Riet Bulfoni da Scuol fa viadi ad Abu Dhabi. Dals 15 fin als 18 october as partecipescha l'als Champiunadis mundials da manster. Daspö sia qualificaziun a la fin da l'on passà ha l'passantà ün temp da preparaziun intensiv. Sper l'exercitar pratic cun motors, electronica ed informaticà ha l'visità las tschinch fins d'eivna da perfeziunamaint,

organisadas da SwissSkills. Insemen cun las ulteriuras candidatas e ls ulteriurs candidats ha l'survgnibleras infuormaziuns organisatoricas ed ha imprais a schoglier sias bloccadas mentalas. Fingia d'uffant d'eira Riet Bulfoni fascinà dals motors d'autos ed: «Eu vögl simplamaing lura eir savair che chi nu funcziuna inandret.»

> PAGINA 7



La staziun sura da la pendiculara Crap S. Gion in di d'enviern.

MAD



40036

Servetsch d'abunents e da distribuziun: tel. 0844 226 226 mail: abo@somedia.ch